

SWIVUMBENKO HINKWASWO SWA MALINGHENA YA RHENTE SWI FANELE KU TIVISIWA EKA SARS

Tshwane, ti 11 Nyenyankulu 2021 – Vukorhokeri bya Xibalo bya Afrika-Dzonga (SARS) byi tsakela ku tsundzuxa vinyi va tindhawu ta vutshamo lava tindhawu leti ta vutshamo ti kumekaka laha Afrika-Dzonga naswona lava rhurhelaka vaenzi lava hakelaka mali leswaku malinghena ya rhente leyi va yi kumaka yi fanele yi tivisiwa eka ntheriso wa vona wa malinghena ya xibalo.

Lowu i nawu wo fana lowu tirhisiwaka eka munhu un'wana na un'wana loyi a nga na malinghena ya rhente ku suka eku lombiseni ka tindhawu ta vona tanihi vinyi va makaya, va vekiwa ehansi ka xiboho xo fana ku tivisa malinghena yaleyo ya rhente eka SARS.

N'winyi wa ndhawu u tlhela a fanela ku titsarisela tanihi muxavisi wa VAT na swiboho leswi fambisanaka, loko malinghena ya rhente ya nkarhi wo koma yi hundza R1-million eka nkarhi wa 12 wa tin'hweti.

SARS yi le ku tirheni hi matimba ku nyika nhlamuselo na tshembho eka vahakelaxibalo ku va kotisa ku fikelela swiboho swa vona ku ri hava swirhalanganya. Hi tlhela hi tinyiketela ku endla swi olova eka vahakelaxibalo lava tinyiketeleke ku landzelerisa. Endlelo ra hina ri tshame ri ri leswaku muhakelaxibalo un'wana na un'wana u fanele a hakela xiave xa yena.

Hambiswiritano, hi tinyiketerile ku ringana ku endla swi tika no durha eka vahakelaxibalo lava nga landzelerisiki lava nga tiyimiselangiki ku fikelela swiboho swa vona. Hi ku tirheni hi matimba ku antswisa vuswikoti bya sisiteme ku kota ku vumbhunula vahakelaxibalo lava nga landzelerisiki hi ku tirhisa switiviwa ku boxa nxungeto.

Vumbhoni byo sungula byi kombisile xilaveko xo kongomisa eku antswiseni ka nandzeleriso eka sekithara leyi ya vinyi va tindhawu ta vutshamo lava kumaka malinghena eka vaenzi lava hakelaka mali.

Vinyi va tindhawu lava ku fikela sweswi, lava nga se tivisaka malinghena ya rhente va hlohloteriwa ku lulamisa timhaka ta vona hi ku copeta ka tihlo. Vahakelaxibalo lava khumbhekaka va nga hlawula ku tirhisa Phurogireme ya Mpaluxo hi Ntsakelo (VDP) leyi nyikaka swiyimo leswi ku tirhelaka kahle. Ku tsandzeka ku lulamisa timhaka ta wena, swi nga veka vahakelaxibalo eka nxungeto loko vo tshuka va hlawuleriwa oditi hi SARS, tiphurosese ta ntlovelo to vava ti ta tirhisiwa.

Mbuyelo wo tirhisa VDP hi leswaku yi nyika swiyimo leswi ku tirhelaka swa nhlelelo hi ku ya hi ntsengo wa nxupulo.

Vahakelaxibalo va tsundzuxiwa leswaku ku tsandzeka ku landzelerisa swiboho swa vona swa xibalo swi nga fikelerisa eku sindzisiweni ka mixupulo ya vulawuri ku engetela eka ntswalo, kumbe hambi xiendlo xa vugevega xi nga tekiwa ehenhla ka vona.

Yuniti ya VDP eka SARS yi nga fikeleriwa hi ku kongoma eka VDP@sars.gov.za.